



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-05-666-54/19
Sarajevo, 07.03.2019. godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničko pitanje

Zastupnik **Vedran Jakupović** je na Trećoj radnoj sjednici Skupštine Kantona Sarajevo, održanoj dana 23.01.2019. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio je zastupničko pitanje **vezano za radno vrijeme Klinika za urgentnu medicinu KUM KCUS i Odjeljenja za urgentnu medicinu Opće bolnice “Prim.dr.Abdulah Nakaš”**.

U vezi sa postavljenim zastupničkim pitanjem dostavljamo slijedeći:

ODGOVOR

Ministarstvo zdravstva Kantona Sarajevo je dana 31.01.2019. godine, vezano za zastupničko pitanje zatražilo odgovor od strane Kliničkog centra Univerziteta u Sarajevu i Opće bolnice “ Prim.dr.Abdulah Nakaš”. U prilogu akta dostavljamo odgovore navedenih ustanova.

Također, želimo napomenuti da Ministarstvo zdravstva Kantona Sarajevo nije donijelo odluku da se pacijenti u urgentne centre raspoređuju na način da se dva dana u sedmici (ponedjeljak i petak) zbrinjavaju u Općoj bolnici “Prim. dr. Abdulah Nakaš”, a ostale dane u Kliničkom centru Univerziteta u Sarajevu.

S poštovanjem,

Pripremio:
Amra Hadžimuratović Čustović
Stručni saradnik za zdravstvenu zaštitu


Kontrolisao:
Alma Kadić, Pomoćnica ministrice

Kontrolisao:
Amra Isić - Sekretar ministarstva



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





ABDULAH NAKAŠ
OPĆA BOLNICA

Javna ustanova Opća bolnica "Prim. dr. Abdulah Nakaš"

Kranjčevićeva 12, 71000 Sarajevo, Bosna i Hercegovina

KANTON SARAJEVO

Broj: 1845-2/19

Datum: 26.02.2019. godine

PRIHLEĆENO: 27-02-2019			
Organizaciona jedinica	Broj/kategorija posla	Redni broj	Broj strana
10	05	666-54	1/19

KANTON SARAJEVO
MINISTARSTVO ZDRAVSTVA
Ul. Reisa Džemaludina Čauševića 1
71000 Sarajevo
Na broj: 10-05-666-54/19

PREDMET: Odgovor na zastupničko pitanje, veza Vaš akt broj: 10-05-666-54/19 od 31.01.2019. godine


Poštovana,

vezano za Vaš akt broj i datum gornji, koji smo zaprimili 21.02.2019. godine pod brojem: 1845/19, kao odgovor na zastupničko pitanje vezano za radno vrijeme Klinika za urgentnu medicinu KUM KCUS i Odjeljenja za urgentnu medicinu Opće bolnice „Prim. dr Abdulah Nakaš“, te na osnovu koje uredbe ili odluke se primjenjuje radno vrijeme obavještavamo Vas da Javna ustanova Opća bolnica „Prim.dr Abdulah Nakaš“ Sarajevo od aprila mjeseca 2016. godine vrši zbrinjavanje svih hitnih, urgentnih slučajeva na području Kantona Sarajevo u dane ponedjeljak i petak.

Ne postoji pisana uredba ili odluka koja reguliše rad Odjeljenja za urgentnu medicinu naše Ustanove u navedene dane.

Za sve ostale informacije stojimo Vam na raspolaganju.

S poštovanjem,



DIREKTOR

dr. Zlatko Kravić

Dostaviti:

- Naslovu
- Odjeljenje za pravne, kadrovske i opće poslove
- a/a

13. 02. 2019

02-03-8009

Datum: 12.02.2019. god.

Ministarstvo zdravstva Kantona Sarajevo
Ministrica prof. dr. Amela Sofić

KANTON		13-02-2019	
10	05	666-54	

Poštovana Ministrice,

U više navrata upućivali smo zahtjev zvaničnim predstavnicima organa vlasti na nivou Kantona Sarajevo u vezi organizovanja urgentne medicinske pomoći na relaciji KCUS – Opća bolnica.

Naime, od 04.04.2016. godine, na osnovu dogovora Menadžmenta KCUS, Opće bolnice i Ministarstva zdravstva Kantona Sarajevo o organizovanju rada urgentne medicinske pomoći na relaciji KCUS – Opća bolnica, prijem urgentnih slučajeva preko Opće bolnice je išao ponedjeljkom i petkom, a ostalim danima preko KCUS-a, uz ukidanje kvota za prijem. Međutim, analiza broja urađenih pregleda na Klinici urgentne medicine KCUS u 2016, 2017. i 2018. godini ukazuje da se broj učinjenih pregleda u ovim periodima ne samo bitnije ne razlikuje, već i da ima tendencu rasta (u 2016. godini urađeno je ukupno 54.565 pregleda, u 2017. godini urađen 53.741 pregled, dok je u 2018. godini urađeno 55.075 pregleda), što predstavlja značajno opterećenje za KCUS. Na dnevnom nivou pregleda se oko 220-245 pacijenata na Klinici urgentne medicine KCUS-a (bez ponedjeljka i petka). Pri tome, nerazumno je očekivati da će Klinika urgentne medicine KCUS-a sa 5 specijalista urgentne medicine koje rade u turnusima, 6 specijalista interne medicine i 3 opšta hirurga svaki dan moći primati isti ili neograničen broj pacijenata. Zbog toga interniste i hirurge sa njihovih matičnih klinika u KCUS odvajamo od pacijenata i bolesničkih kreveta da bi pokrili sve segmente pružanja urgentne medicinske pomoći za građane Kantona Sarajevo. Odgovorne osobe u Kantonu Sarajevo za segment zdravstva se ne pitaju kako će funkcionisati te klinike, koje su po svom organizacijskom i stručnom profilu namjenjene za liječenje i pružanje usluga tercijarnog nivoa zdravstvene zaštite iz pojedinih segmenata zdravstva.

Takođe je nejasno ko je to u ovom Kantonu odredio da je za usluge urgentne medicinske pomoći građanima Kantona Sarajevo odgovoran samo KCUS kao institucija tercijarnog nivoa zdravstvene zaštite. Koji su to parametri dobrog rada i poslovanja u Kantonu Sarajevo prema kojim bi se vršila i raspodjela odgovornosti, rada, pa i način ulaganja u takve institucije? Tako vođenom politikom zdravstva ugrožen je rad svih onih službi u KCUS-u koje ne postoje na nivou primarne zdravstvene zaštite (npr. pedijatri), ili postoje 1-2 ljekara u instituciji sekundarnog nivoa zdravstvene zaštite kakva je Opća bolnica (npr. infektolozi), pa ih stavljaju u istu ravan sa onima koji nose teret pružanja tih vidova zdravstvene zaštite u Kantonu Sarajevo.

Tražimo da *Opća bolnica*, koja ima 8 specijalista urgentne medicine, specijaliste interne medicine i opće hirurge na nakoliko odsjeka, 300 bolničkih postelja, te samo dva dana u sedmici rada na pregledima i prijemima urgentnih pacijenata na nivou Kantona Sarajevo

(znači, na mjesečnom nivou samo 8 dana rada na pružanju urgentne medicinske pomoći za naše sugrađane), *participira sa još jednim radnim danom u sedmici (srijeda) za pokrivanje urgentne službe.*

Zbog svega navedenog očekujemo od Ministarstva zdravstva Kantona Sarajevo i Vas, kao nadležne Ministrice, da se problem organizovanja pružanja urgentne medicinske pomoći u Kantonu Sarajevo konačno riješi na adekvatan način.

S poštovanjem,

Direktor Hirurške discipline

Prof. dr. Dželaludin Junuzović

Direktorica Internističke discipline

Prof. dr. Senija Rašić



Generalna direktorica KCUS

Prof. dr. Sebiha Izetbegović